

太上洞淵神呪妙經

爾時

元始天尊與諸大衆在上陽宮內敷演教法時有洞淵天尊上白

元始天尊竊見下界生民盡染瘟疫之疾四肢壯熱手足酸疼頭痛眼華五臟盛熱迺如鍼刺不能喫食如何救療是時

元始天尊曰皆是下界生民處居人世不敬三寶呵天罵地全無敬讓心行詭曲為非造罪致令此疾所傷凡為人民身強力健不知

回向出入往來並無避諱蓋是五帝使者奉天符文牒行於諸般之疾凡人之所為係在簿書遂行其毒若人吸着便成此疾如有男子女人家深此患宜令闔家斷絕五辛低聲下氣柔軟身心歡喜慈愍禮謝辭遣置立香

位請道迎真於家建立道場焚香轉誦妙經依教禮謝關於道位次施設齋筵香燈如法請於天符十二年行病神王五帝使者七十二候聖者二十四炁聖衆行瘟大判官僚藥主事行猪羊牛馬瘟疫使者祛災使者癘毒

使者地分神王后土社令各領部衆俱降道場大道之處解此毒癘宜轉此經一時穰謝若凡人係在簿書仍須勾銷赦赦奏聞今有弟子某歸依投懇拜奏誠心莫為留難改死重生於是聖者見此禮謝收瘟攝毒故不流

行是時

元始天尊乃為頌曰

太上立科教 敬信除災殃 瘟疫留毒害 聞善化吉祥 歸依念三寶 家門漸吉昌 芳能轉此經 鬼禍悉潛藏

是時洞淵天尊并諸大衆聞此聖言各各歡喜作禮而退信受奉行

太上洞淵神呪妙經

太上洞淵神呪妙經

太上洞淵神呪妙經

太上洞淵神呪妙經

太上洞淵神呪妙經

太上洞淵神呪妙經

高上太霄琅書瓊文帝章經

九天始號

鬱單无量天王太霄琅書瓊文第一

上上禪善无量壽天王太霄琅書瓊

文第二

梵監天王太霄琅書瓊文第三

寂然天王太霄琅書瓊文第四

不驕樂天王太霄琅書瓊文第五

化應聲天王太霄琅書瓊文第六

梵寶天王太霄琅書瓊文第七

梵摩迦夷天王太霄琅書瓊文第八

波梨答惹天王太霄琅書瓊文第九

雲務子者蓋元皇玉虛之胤太帝之中子也抱瓊胎於玉房結雲精於金門含日月於紫胞變洪露以凝神鍊胎息以推運任歷劫以轉輪化生於元氏告陽道以成真於是上皇元年三月一日天暉啓晨誕於九玄之上寶耀无量之天觀太陽於雲崖耀金容於瓊軒順皇基於帝圖法玉秀於自然濯以九靈之暉灌以甘香玉泉飲以靈妃皇芝哺以九鍊